

LILÈT GWADLOUP TÈ KA PALÉ




Dé mo kat pawòl

Anlè tout bannzil Gwadeloup, tini lilèt ki vòlkanik é tini lilèt wòch-tif, ki ka lonji si **162 800 èkta**. Anlè-yo ou ka trouvè kèlanswa : dlo, lanmè é tè ki tini andidan tout lé Piti Zantiy. **Pliralité-lasa sé parapòt a sa ki tini an tè-la, solèy i ka vwè é wotè-la dèpi lanmè**. Kifè, nou tini plizyè koté natirèl kon bwadoubout-sèk pa si Granntè, lilèt wòch-tif, é bwadoubout-dlo ki anlè sé tè vòlkanik-la é sé montangn-la pa si Bastè. Adan tousa ou tini osi **lagrikilti é batiman/kaz** ka vwè jou, ki ka ba-w dé koté natirèl Nonm mofwazé. Andidan sé koté-lasa tini dé

plant/zannimo sòti lòtbo ki ka pran lanmen é zannimo-valèt. Sé plant-la ké pé sèvi pou bwè é manjé oben pou anbéli dé koté, é sé zannimo-la ké pé sèvi kon valèt (animaux de compagnie).

Sé koté natirèl-la ki pwotéjé an Gwadeloup sé dé «réservoirs de biodiversité¹», ola i tini dé gran dékatman a plant é zannimo. Onpil zannimo kon zozyo é genbo, pannan tout lavi-yo ka pran fòs asi sé koté natirèl-lasa, **sé pou sa i pòtalan gadé lyannaj-la ant sé «réservoirs de biodiversité» é sé koridò ékolojik-la²**.



◀ Pòtrè 1 :

Kat a sé koté-
la ola i tini tout
kalté tè anlè tout
bannzil Gwadeloup.

¹Koté ola i tini plant é zannimo, ou pa gè ka vwè oben ki toujou la, ki an danjé oben non, ola tini onlo toubòlman oben sé yenki la ou pé trouvè-yo. Sé zannimo-la pé fè tout lavi-yo andidan-y (pou manjé, fè pitit a-yo, fè on kanpo). Sé koté natirèl-la lè yo tini on bon longè, yo ka sèvi-yo pou viv.

²Sé koridò-la oben koulwa ékolojik-la, ka sèvi lyannaj ant sé «réservoirs de biodiversité» pou sé plant-la é zannimo-la pé alé-vini é fè tout lavi-yo.

Sous : "Portail trame verte et bleue"


Pyébwa, tipyébwa é plant kout

Tout bannzil Gwadeloup, sé koté-la andidan lé Piti-Zantiy ola i tini pipilis bwadoubout, pyébwa é tipyébwa. Asi-y tini 49,9% a sé twa biten-lasa (nou pa ka mèt adan-y létan-bwasèk é bwadoubout marékaj – nou vwè sa andidan panorama-la si «Milieux humides»). Nou ka touvé pyébwa/tipyébwa ki natirèl é séla Nonm mofwazé anlè tout woté a lilèt-la, dèpi lanmè-la jik an tèt a Bastè. Tini plis ki 2400 kalté plant ki ka miganné épi sé koté-lasa, mé tini 47 sèlman ki pwotéjé pou 256 plant ki ozabwa é ki kay pétèt disparèt.

► Tablo 1 : Grandè (èkta) a sé diféran kalté pyébwa é tipyébwa. NE : Yo pa gadé, ni konté sa adan bwadoubout natif-natal. Sous : «Carte écologique, 1995 ; Diagnostic forestier, 2017»

Diféran Bwadoubout	Kat ékolojik a bwadoubout natif-natal (èkta)*	Léta a sé bwadoubout-la an 2017 (èkta)
Bwadoubout-bòdlanmè	NE	375
Bwadoubout-sèk « xérophile »	71 147	22 543
Bwadoubout-dlo « mésophile »	25 166	6 431
Bwadoubout-dlo « ombrophile »	36 630	28 752
Bwadoubout-dlo é tipyébwa « altimontain »	10 163	6 675
Bwadoubout "sylvicole"	NE	3 556
Bwadoubout Nonm mofwazé (andéwò a sa Nonm planté)	NE	12 869
Pyébwa é tipyébwa ototál (nou pa ka mèt létan-bwasèk é bwadoubout marékaj)	143 106	55% 79 312

*Grandè-la nou ka sipozé pou sé bwadoubout-la an Gwadeloup, ki bat dèyè parapòt a batiman/kaz yo konstwi é lagrikilti silon chif a 2017.



Tè pou lagrikilti

Lagrikilti pòtalan toubòlman pou fè maché lilèt-la, adan-y tini twa kalté plant yo ka pipilis planté : kann, bannann é pa tini lontan mèlon. Pou planté-yo, yo koupé sé pyébwa-la ki natif-natal, é jòdijou nou pé di sé dé koté natirèl Nonm mofwazé. Lanné 2022, té tini toupré 22 624 èkta tè ola yo pa ka planté oben ola yo té ka lèvé zannimo, kivilédi sé apépré 56% koté ki ka sèvi pou planté an Gwadeloup (Memento 2022, Agreste). Mizi an mizi, sé koté-la ki ka sèvi pou planté ka bat dèyè. Sé koté-la ola i tini zèb ka vini dé koté pou konstwi batiman é kaz, men yo pa ka viré mèt-yo si pyé parapòt a bwadoubout natif-natal.

	2011	2019	2022	Alé douvan 2022/2011
SAU bitasyon (èkta)	31 401	29 614	31 550	0,47%
Adan-y STH bitasyon (èkta)	10 299	8 961	11 242	9,16%
STH andéwò bitasyon + jaden/pyé-fwi (èkta)	27 856	20 600	15 382	-44,78%
SAU depawtèman (èkta)	59 257	49 714	46 932	-20,80%
Pousantaj pou lilèt-la	36,40%	30,54%	28,83%	

► Tablo 2 : Mannyé sé koté-la ola yo planté ka fè alé douvan dèpi 2011 jik 2022. SAU : Koté ki planté ki ka sèvi & STH : Koté ola i toujou tini zèb. Sous : «Memento de la statistique agricole 2011, 2020, 2022, Agreste.»



► Koté ola yo planté pyès-koko, pyès-pòyò, onpliralité fwi/légim é ola yo pa planté ayen. © Catherine Hermant (ARBIG)

Lanati-mofwazé andidan sé vil-la


Disparèt ka pran onlo koté natirèl davwa yo konstwi batiman é kaz. Jòdijou, sé 12,9% a lilèt-la ki adan ka-lasa (Karucover, 2017), é lanmwatyé adan-y tini koté natirèl Nonm mofwazé : 10 700 èkta. Andidan sé vil-la tini jaden, pawk, zèb, tipyébwa/pyébwa, onpil plant ka sòti lòtbò, plant pou anbéli é délé plant ki pran lanmen kon pyé-kénèt, pyé-sitè oben pyé-papay. Nou ka touvé osi onpil zannimo sòti lòtbò, ki ka pran lanmen é ki ka dakò épi lavi an vil-la kon Toutrèl barbari é Léza komen. Sé plant é zannimo-la ki natif-natal ka pran gaz toubòlman, é souvantfwa yo lwen a sé «réservoirs de biodiversité».

On jaden lavi si koté Zabitan
► © Darlionei Andreis



→ Pou nèfté sé koté natirèl-lasa é ba on bèl fòs tout plant é zannimo ki Gwadeloup, fò nou pisimyé é fè viré séla ki natif-natal, é ba lonè é rèspe patrimwàn natirèl a lilèt-la. Kivilédi, mizi an mizi fò nou fè bat dèyè sa Nonm ka fè, é mèt si pyé dé zouti pou menné é ba ondòt balan sé plant/zannimo-la silon chak ka.

Ki danjé



▲ **Pòtrè 2** : Sé danjé-la ki tini asi sé tè-la é ki mannèw pòté kont sa.

Sé flèch-la ki wouj sé pou danjé, é sé flèch-la ki vèw sé ki mannèw pou pòté. Sé danjé-la parapòt a lanati yo ké adan kad jòn-la, sé danjé-la parapòt a Nonm ké adan kad kako-la, é ki mannèw pou pòté ké adan kad vèw-la.

POU AY PLI LWEN

► Données sources

Carte écologique 1995, Atlas zone humide 2007, Karucover 2017, Diagnostic forestier 2017, RPG 2019, BD_TOPO, Memento de la statistique agricole 2011, 2020, 2022, Agreste.

► Limites

Les données présentées dans ce document reflètent l'état des connaissances disponibles à ce jour. Elles peuvent évoluer en fonction des nouvelles informations collectées. Dans certains cas, des données issues de plusieurs sources peuvent être agrégées, ce qui peut introduire un biais. Il peut être réduit grâce à l'harmonisation des données récoltées.

► Références bibliographiques

- Plantes, milieux, et paysage des Antilles françaises. Claude Sastre et Anne Breuil. Parthénope Collection.
- UICN Comité français, OFB & MNHN (2019). La Liste rouge des espèces menacées en France – Chapitres flore de Guadeloupe. Paris, France.

Rédactrices

- Dr Catherine Hermant (Responsable du pôle Observatoire Régional de la Biodiversité des Îles de Guadeloupe (ORBIG))
- Mme Lisel Loschenkohl (Chargée de mission valorisation des données et productions de l'ORBIG)
- Traductrice: Mme Jessica Laquittaine

Partenaires associés



SITES UTILES

<https://atlas.karunati.fr/>

<https://naturefrance.fr/articles-thematiques-et-milieux>

<https://www.guadeloupe-parcnational.fr/fr/des-connaissances/patrimoines-naturels/les-milieux>